

IZVJEŠTAJ RECENZENTA ZA STUDIJSKI PROGRAM

Pregled

Podaci o visokoškolskoj ustanovi

Naziv, adresa i e-mail adresa institucije	Slobomir P Univerzitet Pavlovića put 76, Bijeljina Info@spu.ba
Internet adresa	http://spu.ba/
Naziv, broj i datum akta o osnivanju	Odluka o osnivanju Slobomir P Univerziteta, Slobomir Bijeljina; Akt o osnivanju, odluka br. 6-01-1272/03 od dana 08.04.2003. godine
Poresko-identifikacioni broj (PIB)	4401904060002
Matični broj dodijeljen od Republičkog zavoda za statistiku	1970372
Ime, prezime i adresa (naziv i sjedište) osnivača	Mira i Slobodan Pavlović
Broj i datum odluke o imenovanju lica ovlašćenog za zastupanje	-
Broj i datum dozvole za rad visokoškolske ustanove	Odluka o ispunjavanju uslova za početak rada Slobomir P Univerziteta Bijeljina) br. 6-01-6567/04 od dana od 27.12.2004. godine; br. 07.2-9622/07 od dana od 28.12.2007. godine
Broj i datum dozvole za rad van sjedišta	Odluka br. 07.2-9622-1/07 od dana od 28.12.2007. godine
Organizacione jedinice koje se posjećuju i odgovorna lica	
Kontakt osoba:	
Broj telefona:	+38755231101, +38753209621

Programi prijavljeni za evaluaciju

Naziv studijskog programa	Nivo studija	Naziv(i) izlaznih kvalifikacija
PRAVO	drugi	Master prava-pravno-teorijski smjer 60 ECTS, Master prava-građansko-pravni smjer 60 ECTS

DOBRE STRANE

B.2 Kreiranje i odobravanje studijskih programa

Slobomir P Univerzitet aktivno uključuje studente u procese unaprjeđenja kvaliteta studijskih programa drugog ciklusa studijs i to putem učešća studenta kroz studentski aktivizam i organizovanje (npr. kroz Studentski parlament) i u organima Univerziteta (postoji određeni broj studenata koji se biraju u Upravni odbor VŠU, kao i u Senat, a koji mogu učestvovati u procesu donošenja odluka, kao i imati uticaja u pogledu unaprjeđenja kvaliteta studijskih programa). Navedena visokoškolska ustanova aktivno radi na razvoju i unaprjeđenju studijskih programa, te omogućava studentima i drugim zainteresovanim strana da uzmu aktivnog učešća u tom procesu.

Sve zainteresovane strane (kao i studenti) mogu se upoznati sa obrazovnim ciljevima putem javno dostupnih informacija koji se mogu pronaći na internet domenu Slobomir P Univerziteta. Obrazovni ciljevi jesu usklađeni sa obrazovnim ciljevima visokoškolskih ustanova u okruženju (kako je navedeno to su Pravni fakultet Univerziteta u Banjoj Luci i Univerzitet "Sinergija" iz Bijeljine u Bosni Hercegovini, kao i Pravni fakultet Univerziteta u Novom Sadu i Pravni fakultet Univerziteta u Beogradu, kada bismo govorili o inostranstvu).

U okviru visokoškolske ustanove postoji i djeluje, od 2009. godine, Naučno-istraživački institut "NIPEKS". Studenti II ciklusa su uključeni u rad NIPEKS-a. Na Slobomir P Univerziteta se kontinuirano sprovode različite aktivnosti u cilju podsticanja studenta na stvaralački i istraživački rad. Uslov za dalji razvoj i podsticanje studenata na stvaralački i istraživački rad jeste uvođenje savremenih tehnika rada i sredstava za rad u nastavni proces, ali i savremen obrazovni i nastavni kadar. Na taj način studenti se motivišu da uzmu učešće u različitim naučnim projektima i pisanju naučnih radova. Dakle, studentima je data mogućnost učešća u NIR, ali nismo uvjereni da su studenti zaista i zainteresovani za učestvovanje u istom.

Postoji i koristi se zvanično usvojen dokument koji definiše svrhu i ciljeve izrade završnog rada i koji sadrži odgovarajuće indikatore za ocjenjivanje, a to je Pravilnik za prijavu izradu i odbranu završnog-master rada na drugom ciklusu studija. Navedenim pravilnikom je jasno i precizno definisana svrha i cilj izrade završnog, odnosno master rada, pored indikatora ocjenjivanja. Svi radovi prolaze kroz postupak provjere plagiranja. Završni, odnosno master radovi (od kojih su neki dostupni u Narodnoj i univerzitetskoj biblioteci Republike Srpske), za razliku od završnih radova na osnovnim studijama opštepravnog smjera na istoj VŠU, znatno više razine, odnosno odgovaraju akademskim zahtjevima u skladu na ovom nivou studija. Svi studenti prolaze kroz postupak javne odbrane master teze.

Na drugom ciklusu studija VŠU velika pažnju posvećuje blagovremenoj pripremi studenata za poslovno angažovanje prije nego što završe studije. U cilju permanentnog unaprjeđenja praktičkih znanja, personalnih i poslovnih vještina studenata, kao i u cilju kontinuiranog usavršavanja ishoda studiranja studenata na svim studijskim programima na VŠU, obavlja se anketiranje poslodavaca (što se može vidjeti u Spoljnoj evaluaciji). VŠU se nalazi u stalnom kontaktu sa masterima prava koji su svoje zvanje stekli na Slobomir P Univerzitetu, a u cilju provjere kvaliteta stečenih kvalifikacija studenata.

B.3 Učenje, podučavanje i ocjenjivanje usmjereno ka studentu

Pohvalno je što studenti imaju udjela u evaluaciji nastavnog plana i programa, koji se ostvaruje putem periodičnog anketiranja studenata. Studenti su uključeni u organe Univerziteta (Upravni odbor i Senat). Pored toga studenti imaju svoje predstavničko tijelo (Studentski parlament) u koje se, demokratskim putem, biraju predstavnici studenata sa svih organizacionih jedinica, što smatramo veoma značajnim.

Studentima drugog ciklusa studija su upoznati sa pravilima studiranja na drugom ciklusu, upoznati su sa procedurom žalbe, i imaju pristup relevantnim dokumentima (Statut, Pravilnik o nastavi i ispitima). VŠU uzima rezultate anketiranja svojih studenata u obzir prilikom razvoja studijskih programa.

U dostavljenoj dokumentaciji se vidi da je nastava na studijskom programu interaktivnog karaktera, odnosno da pored teorijske obrade nastavnih jedinica, studenti aktivno primjenjuju stečena znanja na praktičnim primjerima i zadacima, što ih proprema za njihov budući poziv. VŠU navodi svoje studente na kreativnost i podstiče kritičko razmišljanje, što smatramo veoma pozivnim. Postoji izravan kontakt između studenata i odgovornih nastavnika. Stečena znanja se provjeravaju upotrebom najsavremenijih metoda, a dodatno se vrednuje svaka vananstavno aktivnost studenta II ciklusa studija.

Nastava se izvodi na način da se prilagođava potrebama i željama studenata po pitanju dodatnih konsultacija i interaktivnosti. Različitosti studenata u procesu usvajanja znanja se tretiraju tako što je svaki predmetni nastavnik obavezan da se prilagodi grupi i generaciji kojoj predaje, da izvrši analizu trenutne situacije i da vidi šta je potrebno da bi studenti do kraja kursa ovladali očekivanim znanjima i kompetencijama i da u skladu sa zahtjevima prilagodi metode i tehnike nastavnog procesa. Nastava se izvodi na način koji utvrđuje svaki nastavnik za svoj predmet. Obavlja se periodična provjera zadovoljstva studenata (putem anketa) procesima učenja i provjere znanja kao i konsultacijama sa nastavnim osobljem, te se dobijeni rezultati koriste pri unapređivanju ovih procesa.

B.4 Upis i napredovanje studenata, priznavanje i sertifikacija

Postojane propisa kojima se uređuju i definišu procedure za sticanje i priznavanje kvalifikacija jasno govori da Slobomir P Univerzitet omogućava prijenos ECTS bodova, odnosno prelazak sa drugih VŠU ili studijskih programa. Isto važi i za propise koji se odnose na postojanje tijela, odnosno osoba odgovornih, kao i postupaka za analizu upisa studenata i praćenje njihovog napredovanja.

Postoji usvojen dokument koji reguliše ovu oblast i sa kojima su studenti upoznati, odnosno koje opisuje stečenu kvalifikaciju, uključujući postignute ishode učenja i kontekst, nivo, sadržaj i status studija koje je student završio. Odbranom završnog (master) rada kao finalnog proizvoda na studijskom programu Pravo drugog ciklusa studija, student stiče akademsko zvanje prema Pravilniku o Listi strukovnih, akademskih i naučnih zvanja. Univerzitet po završetku studija studentu izdaje diplomu i dodatak diplomi (Diploma Supplement) koji opisuju stečenu kvalifikaciju, uključujući postignute ishode učenja i kontekst, nivo, sadržaj i status studija koji je student završio u skladu sa Pravilnikom o sadržaju javnih isprava koje izdaju visokoškolske ustanove u Republici Srpskoj. Sve navedeno se može potvrditi priloženom dokumentacijom.

VŠU ima osnovanu Kancelariju za međunarodnu saradnju koja, navodno, dobro funkcioniše, a čiji je zadatak da na godišnjem nivou izrađuje izvještaj o mobilnosti akademskog osoblja i studenata koji se podnosi Senatu. Također, VŠU ima paket dokumenata kojima pobliže uređuje oblast dvosmjerne razmjene akademskog osoblja i studenata (Pravilnik o mobilnosti studenata, Strategija o mobilnosti nastavnika i studenata, Strategija Internacionalizacije, Akcioni plan internacionalizacije rada SPU).

B.6 Resursi za učenje i podrška studentima

Slobomir P Univerzitet je obezbjedio dovoljno resursa za kompletno akademsko osoblje i studente. Univerzitet raspolaže objektima površine oko 6.500 m² u kojima se realizuju nastavna i istraživačka djelatnost, kao i druge aktivnosti. VŠU raspolaže sa bibliotekom, kao i sa drugim pratećim sadržajima koji studentima stoje na raspolaganju (Internet sale, sale za rekreaciju, sportski tereni, studentski klub itd.).

Studenti su u dovoljnoj mjeri upoznati o resursima i uslugama koje su im na raspolaganju putem internet domena VŠU, dok se u priloženoj dokumentaciji navodi da VŠU ima dovoljan broj administrativnog i pomoćnog osoblja čime je osigurano redovno i efikasno sprovođenje svih aktivnosti i djelatnosti, pri čemu se je bitno istaći da su osigurani resursi za njihovu obuku i usavršavanje.

B.8 Informisanje javnosti

VŠU redovno objavljuje potpune i precizne informacije o radu svojih organizacionih jedinica, čime se osigurava javnos u radu. Informacije su javnodostupne svim studentima, kao i drugim zainteresovanim licima. Postoji široka paleta sredstava putem kojim informacija dolazi do zainteresovanog lica (internet domen VŠU, oglasna tabla VŠU, različite brošure, katalozi, informatori i drugo). DO informacija se može doći i direktinom uputima u službama za rad sa studentima. VŠU ima godišnji plan za odnose sa javnošću. VŠU dota pažnje posvećuje svom ugledu u javnosti, te teži na najbolji moguće način prenijeti tačne i precizne informacije o svom radu, ali se javnosti predstaviti u najboljem svjetli i putem odgovarajućih marketinških kampanja, što može dovesti do porasta broja zainteresovanih maturana, odnosno budućih studenata, a samim tim i poboljšanje kvaliteta studijskih programa.

SLABE STRANE

B.2 Kreiranje i odobravanje studijskih programa

Pravilnik za prijavu izradu i odbranu završnog-master rada na drugom ciklusu studija nije javno dostupan, odnosno, nismo ga uspjeli pronaći prilikom pretrage internet stranice visokoškolske ustanove.

Visokoškolska ustanova ne mjeri zadovoljstvo subjekata koji zapošljavaju njihove studente.

Iako postoji odgovarajuća strategija na Slobomir P Univerzitetu u pogledu mobilnosti studenata (ne samo drugog, nego i svih ciklusa studija), kao i akademskog osoblja, ne možemo jasno utvrditi da li do razmjene studenata i akademskog osoblja zaista i dolazi. VŠU ima organ koji se bavi međunarodnom saradnjom, i koji, navodno, dobro funkcioniše u pogledu ostvarivanja zadatka i svrhe za koju je osnovan. Nastava se ne odvija na engleskom jeziku (izuzev nastave u okviru predmeta Engleski jezik na prvom ciklusu studija).

B.3 Učenje, podučavanje i ocjenjivanje usmjereno ka studentu

Iako se u dostavljenoj dokumentaciji navodi da studenti direktno učestvuju u kreiranju studijskih programa, VŠU nije objasnila kako, odnosno na koji način se ostvaruje do direktno učešće.

Pravilnik za prijavu izradu i odbranu završnog-master rada na drugom ciklusu studija nije javno dostupan, odnosno, nismo ga uspjeli pronaći prilikom pretrage internet stranice visokoškolske ustanove.

B.4 Upis i napredovanje studenata, priznavanje i sertifikacija

U samoevaluacijskom izvještaju se navodi da postoje dokumenti koji su usklađeni sa zakonom, a kojima se reguliše upis studenta. Naime, to su Statut VŠU i Pravilnik o nastavi i ispitima na drugom ciklusu studija. VŠU navodi da su Statut i pravilnik usklađeni sa zakonom u Samoevalucionom izvještaju PRAVO II ciklus na str. 27 na sljedeći način: "Upis studenata na sve studijske programe Slobomir P Univerzitet realizuje se u skladu sa Zakonom o visokom obrazovanju („Sl. glasnik RS“, br.73/10, 104/11, 84/12, 108/13, 44/15, 90/16 i 5/17), Statutom Slobomir P Univerziteta, te Pravilnikom o nastavi i ispitima na I ciklusu studija i II ciklusu studija. Pomenutim aktima jasno je definisana procedura upisa studenata koja podrazumijeva da Univerzitet utvrđuje kriterijume i način na osnovu kojih se vrši klasifikacija i izbor kandidata za upis, te obavezu Univerziteta da raspiše konkurs za upis studenata na studijske programe koje izvodi." Kako je novi Zakon o visokom obrazovanju donesen 2020 godine ("Službeni glasnik Republike Srpske", br. 67/2020), možemo konstatovati da propisi VŠU nisu usaglašeni sa pozitivnim zakonodavstvom, odnosno sa važećim Zakonom o visokom obrazovanju.

B.6 Resursi za učenje i podrška studentima

VŠU nema precizno razrađen plan ulaganja u fizičke resurse, te se ista vrše sporadično, u zavisnosti od trenutne potrebe.

U studijskom programu PRAVO II ciklus – Krivičnopravni smjertreba obratiti pažnju na literaturu za pripremu ispita iz nastavnog predmeta Krivično pravo, Krivično procesno pravo i Доказно право и методе истраге у кривичном поступку (osnovna literatura za pripremu ispita iz ovih nastavnih predmeta navedena u silabusu datira prije 2010. godine, shodno izmjenama u krivičnm i krivičnoprocesnom zakonodavstvu Republike Srpske i Bosne i Hercegovine koje su izvršene proteklih godina smatram da se literatura treba revidirati i obnoviti, također postoji dovoljno domaćih autora iz krivičnopravne oblasti, te ne vidimo potrebu za korištenjem udžbenika iz inostranstva koji nisu u skladu sa našim pravo, osim, naravno, ukoliko se ne izučavaju uporednopravni aspekti).

PREPORUKE ZA UNAPREĐENJE

B.2 Kreiranje i odobravanje studijskih programa

Smatramo da bi visokoškolska ustanova trebala obraditi pažnju na standarde visokog obrazovanja iz oblasti prava na univerzitetima u Evropskoj uniji.

Smatramo da Slobomir P Univerzitet treba aktivnij raditi na promociji svojih studenata koji se bavi naučno-

istraživačkim radom radi veće prepoznatljivosti istih u akademskim krugovima. Indikatore koji se odnose na učešće studenata u NIR uzimao kao ispunjene pod uslovom da se studenti zaista i bave naučnim i stručnim aktivnostima. Jedna od dužnost studenata drugog ciklusa studija jeste svakako bavljenje istraživačkim i naučnim radom. S tim u vezi preporučujemo razgovor sa studentima II ciklusa studija, te uvid u njih dosadašnji naučni, istraživački i stručni rad.

Smatramo da bi, zarad bolje informisanosti studenata na drugom ciklusu, ali i drugih zainteresovanih lica, bilo poželjno Pravilnik za prijavu izradu i odbranu završnog-master rada na drugom ciklusu studija objaviti na internet domenu Slobomir P Univerziteta.

Subjekt recenzije u priloženoj dokumentaciji navodi da se samim savladavanjem studijskog programa stiču kompetencije za snalaženje u struci, odnosno u složenom pravnom sistemu kakav je naš. Međutim, priložena dokumenatacija i u objašnjenje koje je priloženo u Aplikacionom obrazcu za studijski program Pravo II ciklus, nas ne uvjeravaju dovoljno da studenti stiču odgovarajuća stručna znanja za snalaženje u praksi, te predložimo intervju sa studentima, pa čak i eventualno testiranje. Kako VŠU ne vodi periodično anketiranje subjekata koji su poslodavci njihovim studentima i diplomcima, smatramo da je to nešto na šta VŠU mora obratiti naročitu pažnju zarad unapređenja procesa nastave i obrazovanja studenata.

Preporučujemo bolji uvid u međunarodnu saradnju Slobomir P Univerziteta, kako bi se jasno utvrdilo da li postoji ostvarena međunarodna saradnja (postojanje potpisanih sporazuma i slično), kao i da li dolazi do razmjere studenata i akademskog osoblja, u šta mi nismo uvjereni.

B.3 Učenje, podučavanje i ocjenjivanje usmjereno ka studentu

Kako VŠU nije dostavila dovoljno dokaza koji bi potvrdili da studenti učestvuju u procesu kreiranja studijskog programa, te nam taj segment ostaje nejasan. S tim u vezi, preporučujemo razgovor sa studentima kako bi se došlo do informacija koje bi opisale stvarno stanje na terenu. Ako studenti ne potvrde ono što VŠU navodi u dostavljenoj dokumentaciji, smatramo da ovaj kriterij nije ispunjen.

Sve što se odnosi na kriterije B.3.1.1 mogu se provjeriti uvidom u Pravilniku o osiguranju kvaliteta, Pravilniku o studentskom vrednovanju kvaliteta studija i Pravilnikom o studiranju na drugom ciklusu studija, te Knjigom predmeta master studija. S tim u vezi, smatramo da su ovi kriterijumi ispunjeni.

Smatramo ovaj kriterijum ispunjen

Preporučujemo da se Pravilnik za prijavu izradu i odbranu završnog-master rada na drugom ciklusu studija objavi na internet stranicu Univerziteta, kako bi bio dostupan svim zainteresovanim licima.

B.4 Upis i napredovanje studenata, priznavanje i sertifikacija

Preporučujemo da VŠU izvrši pregled svojih propisa, te iste usaglasi sa novim Zakonom o visokom obrazovanju ("Službeni glasnik Republike Srpske", br. 67/2020), naravno, ukoliko postoje odredbe internih propisa VŠU koje nisu usklađene sa pozitivnim zakonodavstvom. Ukoliko se to ne učini, smatramo da ovaj kriterijum nije ispunjen.

Iako VŠU navodi aktivno radi na razvijanju kanala dvosmjerne razmjene nastavnika i studenata, te ima definisan način priznavanja stečenih znanja tokom razmjene, mi nismo uvjereni da je do dvosmjerne razmjene nastavnika i studenata zaista i dolazi. Također se navodi da VŠU ima potpisane međunarodne sporazume, ali oni nisu priložen (priložen je samo spisak sporazuma sa visokoškolskim ustanovama u inostranstvu, smatramo da bi dokazali ispunjenje ovog kriterijum nužno da se pobrjani sporazumi prilože, kao i da se pruži dovoljan dokaz o razmjeni studenta između VŠU).

B.6 Resursi za učenje i podrška studentima

Smatramo da VŠU raspolaže sa dovoljno fizički resursa, te da su potrebe akademskog osoblja, ali i studenata sa postojećim resursima zadovoljene. Naravno, bilo bi poželji da VŠU ima barem okviran plan unaprjeđenja postojećih resursa. Smatramo da je ovaj kriterijum ispunjen.

MJESTO I DATUM

POTPIS RECENZENT

